

hæc regit civitates, 1 Nanhing, 2 Xihing.

Reperitur in hac regione lapidis genus adeo durum, ut ex illo secures, ac cultellos fæeos conficiant: est & alias lapillus Siniaco atramento simillimus, eo, ut nos creta, ad scribendum in tabulis rasis ac candidis utuntur.

Montes.

Mulin mons ille, qui in planum redactus est, in quo fanum Junfung præfecto Changkieulingo dicatum, de quo fusius actum superius.

Tienfung mons altissimus ac amplius ad urbis Borealem partem est: Siecung mons prope Xihing, qui pulchritudine ac amœnitate reliquos omnes hac in regione facile superat.

Flumina.

Chin flumen hic originem habet, perque illud navigatur usque ad mare: totam enim Provinciam medium secat, mutato saepe nomine Siang & Kio dicitur.

Mekiang amnis, hoc est atramenti, nigerrima enim aqua est, atramentoque similima; non item pisces, qui præstantissimi censentur.

Quarta Urbs

H O E I C H E V.

*soli na-
tura.*

*Civitates
sub ea.*

*Nomina
antiqua.*

*Testudi-
nes ut
scopuli.*

*Croceus
pisces
avis.*

Hoeicheu urbs territorium optimum hujus Provinciæ habetur, apricum est & amœnum, soloque ac pingui gleba gaudet, aquarum etiam complures obtinet scaturigines. decem in eo numerantur civitates: 1 Hoeicheu, 2 Polo, 3 Haifung, 4 Hoiuen, 5 Lungchuen, 6 Changlo, 7 Hingning, 8 Hoping, 9 Changning, 10 Junggan. Priscis temporibus ejusdem fortis ac loci cum superiori urbe fuit.

Leanghus Leanghoa dixit, Suius Lungcheu, Tanga familia Haifung, Sunga nomen indidit, quod etiamnum hodie retinet. Quia mari vicina regio est, pisibus abundant, ostreis, ac astacis, cancrisque sapidissimis: testudines adeo magnas hoc mare nutrit, ut à longe aspectantibus scopuli esse videantur ac saxa; quin sunt qui scribant visas quæ in dorso arbusta, atque herbas natas secum portarent: ex harum domibus atque testis varie scissis & in laminas redactis, cuiilibet etiam figuræ aptatis, multa eaque rarissima utensilia conficere norunt Sinæ. Naturæ etiam illud hic prodigium est, quod Hoangcoyú, hoc est croceum pisces, avem vocant, nec enim pisces est, nec avis tantum, sed utrumque: per æstatem scilicet totam

avis est crocei coloris, per montes volitans; autumno fere absoluto mare petit, ac rursum pisces evadit, quem hyberno tantum tempore capiunt, & suavissimi saporis à Sinis esse scribitur.

Numerat hæc urbs inter reliqua nobilio-
ra ædificia tria heroibus dicata fana, pontes que duos nobilissimos: unus quadraginta magnis arcibus constat ad urbis orientalem partem, ubi confluentes sunt duorum fluiminum; alter vero ad occasum est, lapideus totus, plurimis fornicibus erectus supra lacum Fung; quin & lacus ipse circumqua-
que aggere lapideo clausus est, ne aqua ef-
fluat, relictis cataraëtis, quibus tantum aquæ emittunt admittuntque, quantum necessi-
tas, aut usus ad oryzæ campos irrigandos postulat.

Lofeu mons prope Polo est, ex decem *Montes.*

maximis totius Sinici Imperii unus, fit ex concursu montium Lo & Feu, ad territorium usque metropoleos extenditur, ejus altitudo ter mille, & sexcentarum perticarum esse dicitur, ambitus trecenta stadia continet, acclives colles habet quindecim, cavernas quadragesimas & duas supra triginta: multa alia hic omitto, quæ in eo notant Sinæ montium scrutatores nimii, quia ea parvi apud me momenti sunt, ac brevissime perstringo omnia, ut quam citissime me ab hoc molesto opere expediam. Illud tamen non prætereundum, longissimas in eo produci arundines, easdemque crassissimas, quæ *Arundi-*
relicas fere omnes superant, trunci circum-
ferentia decem subinde aut plures palmos me.
æquat, aut etiam superat.

Ho mons ingens prope Lungchuen, in quo trecentos & septuaginta duos colles numerant.

Tung flumen originem habet in Can-
cheu urbis montibus Kiangsi Provinciæ,
Hayuen transit civitatem, & hanc urbem,
inde mare subit.

Fung lacus ad urbis occasum est, decem stadia æquat ejus circuitus. in eo sunt insulae duæ, in quibus ædificia sunt aliqua ad animi voluptatem exstructa pro incolis, in quibus convivia ac symposia sua celebrant. totus undique lacus aggere lapideo de more munitus est, pons medium dividit, ab Insula ad Insulam & utramque ripam extensus: ripa omnis pulcherrimis arboribus, vi-
ridariis ac Musæis consita est ac conspicua.

Quin-